

清代历史资料丛刊

行素齋雜記

清·继昌著

1200
1
清代历史资料丛刊

清·继昌著

行素齋雜記

行素斋杂记

清继昌著

定价七角

上海书店出版

上海福州路四二四号

青浦朱家角彩印厂印刷

一九八四年七月

出 版 说 明

作者继昌字莲溪，汉军正黄旗人，光绪进士，官至甘肃布政使，署安徽巡抚。本书分上下两卷，记述的主要是清代的宫廷掌故、官场旧例和一些著名人物的轶事等。所记以光绪一朝的杂事居多，大部为作者自身的见闻。由于作者曾供职军机处，所以书中记述了不少清政府中枢机构的情况，史料价值颇高。现据光绪二十七年湖南臬署刻本影印。

上海书店一九八四年七月

序

夫郢書燕說本稗史之濫觴賓戲客難迺滑稽之隱語
猶且珍殘編於拱璧摭逸竹於淪琛況復內府球圖中
原文獻許懋學諳邦典應劭事達國章掌故所登於斯
爲信

蓮畦廉訪妙年通籍等身著書郎署迴翔許窺中祕樞
垣供奉諳習官儀每當邸舍春寒曝廬夜永借上方之
筆札抱別錄而校讐凡夫臣向編摩帝嬀歌詠郊壇封
禪之表河渠鹽鐵之書靡不洞澈條流綜歸貫串所著
有行素齋雜記閱綱鉅典鎖聞軼事如掌斯指熟耳能

255/2723

詳蓋史家記載體也今夫懸圃未御烏睹璆琳之奇珍也蠡勺甫傾難語渤海之巨浸也世有目營四部身局一隅往往說建章之千門觚稜莫辨會文閭於萬國棗幣茫然又或藻飾雕輿張皇法服謬獵馬卿之賦浮采揚雲之詞踳駁滋多譌舛斯甚是書有張華之淵洽同蘇冕之精詳每下一籤知綿絕之手訂偶陳半解如琅嬛之昔游斯則安石碎金攸裨冊府昭明錦帶永寶謨膺者矣時局推遷車書混壹工習侏儻之巧技士效佞盧之異文而

廉訪久厭承明思拓遠略權節方秉臬事遽陳顧下走

而傾襟出新編而命序江河萬古願同迴滄海之瀾鉛
槧千言且更續春明之夢光緒辛丑秋七月番禺蔡乃
煌謹序

自序

光緒癸巳六月奉 先妣那拉太夫人諱讀禮家居謝絕塵事惟與筆墨爲緣因憶見聞所及者拉雜書之洎甲午哀然成帙乙未春二月 先君又復棄養昌且在病中苦塊之餘只藥鑪茗盃相伴心緒益復無聊仍假筆記爲消遣計迨病起服闋此事仍不肯輟日久遂積爲數巨卷顧語多瑣屑不過小說家言茲擇其稍可存者重加釐訂錄寫訖而志其崖略如此時己亥十月長白李佳繼昌蓮畦自識于行素齋

行素齋雜記卷上

京西潭柘寺有銀杏一株俗呼帝王樹我

朝增一代則樹生一榦咸豐朝所生之榦適爲殿檐所礙止而不長同治朝所生榦梢忽爲風折復旁茁一枝一榦兩歧恰符我一

皇上入承大統之兆

國祚縣遠嘉木效靈洵千古未有之祥徵也

京西山中產漢白玉石

大內宮殿階墀欄楯皆用之質堅色瑩雕鏤花紋極工細近則此種稀矣

戒臺重葺之時工人於松下炊飯活動松爲煙火所灼遂枯奇株靈樹損於俗子惜哉

東陵後山多產紫芝植以資益供諸几案頗不俗又產海棠木瓜產梨名佛見喜甘脆異常又山中產雉較他處野雉稍小肉嫩而鮮名趕翎哨可以馴養昌平州明十三陵產金蟬俗名金鐘狀似促織京西香山產松菇輪囷如繖潔白肥脆味頗鮮美

漢軍旗人向無充軍機章京者同治朝文文忠公特爲奏准丁仙圃太守鶴年始獲以部郎膺是選王博航戶部汝濟繼之再則予也

庚寅四月予傳補軍機章京時

皇上駐蹕

西苑直廬在中海東岸面西啟門淨几明窗軒豁可喜
水光山色日供瞻眺不似

隆宗門內直廬之隘

章京晉謁恭邸醇邸用軍機章京某紅柬禮邸用章京
某紅柬其他軍機大臣均用光名紅柬先傳到者稱老
前輩以侍生帖拜之自稱學生

每日軍機散直後滿漢章京四人在方略館值宿除領
班幫班外餘則輪值過十年始不住班謂之開班

皇上披覽章奏每日不過寅卯之間若遇

聖駕出宮拈香等日尤早半時許故入直無敢或後
慈禧皇太后起居善自頤養每日晚膳後必游幸各處
以習勞由

西苑詣

頤和園日子在直廬恆親見

慈駕自宮中步至福華門約二里許故

聖壽已居六旬康強悅豫無與比隆云

軍機章京傳補後復與會試得鼎甲者乾隆丁巳榜眼
福建林枝春乾隆己未榜眼江西涂逢震乾隆戊辰狀

元浙江梁國治乾隆甲戌狀元江蘇莊培因乾隆丁丑
榜眼安徽梅立本乾隆辛巳探花江蘇趙翼乾隆庚辰
狀元江蘇畢沅榜眼諸重光乾隆壬辰狀元安徽金榜
乾隆乙未狀元安徽吳錫齡探花浙江沈清藻乾隆戊
戌狀元江西戴衢亨乾隆己未狀元浙江姚文田嘉慶
庚辰榜眼浙江許乃普嘉慶甲戌狀元安徽龍汝言道
光乙未探花山西喬晉芳道光乙巳探花浙江吳福年
光緒丁丑榜眼湖北余聯沅光緒庚寅狀元福建吳魯
章京洊升軍機大臣者滿洲舒文襄兆文襄雅爾哈善
阿莊恪班義烈訥親阿文成索琳慶文恪勒文襄長文

襄松文清托文定台布賽尙阿浙江梁文定山東袁清
慤盧文肅浙江孫文靖江西戴文端浙江章文簡直隸
趙盛奎江蘇吳熊光何恪愼江西陳孚恩江蘇彭文敬
江蘇曹恭愨江西胡家玉直隸焦佑瀛浙江許恭愼徐
用儀

父子先後入直樞廷鄂文端子鄂剛烈鄂漕督寶阿襄
壯子豐誠武傳文忠子福勤恪福文襄福大司空長安
尹文端子慶文恪阿莊恪子舒亮廷觀督弼傳襄勤子
福中丞尼善博恭勤子托文定策凌度都統子珠慧堂
員外拉鄂京卿子昌曙亭觀督熾台中丞斐音子成筠

溪太守善台大臣布子熙備庵閣學成桂月樵司寇子
長閭仙中書年四篤園吏部慶子英豪卿廉訪祥崇荷
卿中丞子裕壽泉中丞長張文和子晴嵐少宗伯若霽
弟壽雪司寇若淳英煦齋相國子奎尙書照汪文端子
時齋大司馬承霈陳文肅子玉亭閩督輝祖弟縉橋觀
督繩祖方恪敏子襄勤裘文達子恭勤金蔭亭太守子
筠莊中丞應琦孫文靖子平山農部衡袁清慤子內翰
煦龔深甫內翰子闡齋觀督麗正梁文定子鶴莊太守
承福宜制府綿子煥堂戶部札勒杭阿曾賓谷都轉子
笙巢太守協均若納尙書延泰子長文襄惠勤襄孫桂

丹秋員外芬曾孫麟厚堂總鎮翔溫相國福子勒文襄
永恪敏曾孫文孔修尙書慶蔣文肅子恪孫澄川太守
熊昌又盛少司農住子崇荷卿孫裕壽泉台中丞子成
筠溪孫奎若卿綬文樓華兩部郎趙升之少卿文哲子
少鈍太守秉淵孫斗垣中翰榮三四世入參樞要尤後
先濟美云

兄弟並入樞垣乾隆以來可考者鄂剛烈容安弟鄂倫
玉西巖華弟東巖岱海勤毅弟廣丹亭侍郎巴忠弟巴
克垣札克桑阿弟札拉桑阿珠爾賡額弟珠爾松額松
文清弟松心庵將軍箴瑞遠村水部慶弟平吏部慶玉

達士觀訐璋弟玉崑劉竹軒制府秉恬弟退谷戶部秉
愼金蒔亭太守雲槐弟輔之殿撰榜洪素人太守朴弟
桐生太守梧盛孟巖方伯惇崇弟甫山太守惇大清舫
太守穆特亨額弟崇階兵部穆克登額雲鵬都轉豐紳
泰弟佩賢藩部豐陞額

河南羅山嵩岳皆產蘭春日多市諸省城懷慶府清華
鍾多竹筍肥美竹則可以爲器

先君於丁亥春預營生壙延江西陳麗中松相地卽定
於先塋之南辛山乙向亦如之麗中之言曰祖塋已立
百餘年後人讀書入仕不絕卽爲佳壤無待另謀予深